

*BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BOSANSKA KRUPA
JEDINSTVENI GRADSKI ORGAN UPRAVE*



*PROGRAM RADA
Gradonačelnika za 2025. godinu*

Bosanska Krupa, januar 2025.godine

SADRŽAJ

1. Uvod	3
2. Lokalna uprava	5
3. Lokalni razvoj i privreda	8
4. Obrazovanje, sport, kultura, mladi i nvo sektor.....	9
5. Civilno društvo	12
6. Kapitalni projekti i infrastruktura	13
7. Ostale aktivnosti	14
8. Zaključak	15

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
GRAD BOSANSKA KRUPA
GRADSKI ORGAN UPRAVE

Na osnovu člana 27. Zakona o lokalnoj samoupravi Unsko-sanskog kantona ("Službeni glasnik Unsko-sanskog kantona", broj:8/11), Gradonačelnik Grada Bosanska Krupa, donosi:

PROGRAM RADA
GRADONAČELNIKA ZA 2025.GODINU

I Uvod

Pravni osnov za izradu Programa rada Gradonačelnika za 2025. godinu sadržan je u odredbama iz člana 98. Zakona o organizaciji organa uprave u FBiH („Službene novine FBiH“, broj: 35/05), odredbama člana 13. i 15. Zakona o principima lokalne samouprave u FBiH („Službene novine FBiH“, broj: 49/06 i 51/09), Zakona o lokalnoj samoupravi Unsko-sanskog kantona („Službeni glasnik USK-a“, broj: 8/11).

Osnovni zadaci i aktivnosti koji su obuhvaćeni Programom rada za 2025. godinu, za nosioca izvršne vlasti Grada, Gradonačelnika, su oni koji proističu iz Ustava i zakona.

Aktivnosti na unapređenju funkcionisanja gradske uprave kroz primjenu Zakona o principima lokalne samouprave u Federaciji BiH, Zakona o lokalnoj samoupravi Unsko-sanskog kantona, poboljšanje u organizaciji i funkcionisanju gradske uprave kao i stalan rad na održavanju i poboljšanju ostvarenih rezultata u pogledu pružanja usluga građanima stalan je zadatak.

Zakonom o lokalnoj samoupravi Unsko-sanskog kantona je određeno:

“Načelnik u okviru svoje nadležnosti:

- a) predstavlja i zastupa jedinicu lokalne samouprave;
- b) predlaže odluke i druga opća akta vijeću i odgovara za njihovu zakonitost;
- c) donosi akta iz svoje nadležnosti;
- d) izrađuje i vijeću na usvajanje podnosi nacrt i prijedlog godišnjeg budžeta, ekonomske planove, razvojne planove, investicione programe, prostorne i urbanističke planove i ostale planske i regulacijske dokumente koji se odnose na korištenje i upravljanje zemljištem, uključujući zoniranje i korištenje javnog zemljišta;
- e) obavještava vijeće o svim pitanjima iz svoje nadležnosti;
- f) provodi politiku jedinice lokalne samouprave u skladu sa odlukama vijeća, izvršava budžet jedinice lokalne samouprave i osigurava primjenu odluka i drugih akata vijeća;
- g) izvršava zakone i druge propise čije je izvršenje povjereno jedinici lokalne samouprave;
- h) utvrđuje organizaciju službi za upravu i drugih službi i donosi pravilnik o unutrašnjoj organizaciji i sistematizaciji radnih mjesta u jedinici lokalne samouprave;

- i) postavlja i razrješava rukovodeće državne službenike i službenike s posebnim ovlaštenjima, te odlučuje o prijemu u radni odnos državnih službenika i namještenika, kao i drugim statusnim pitanjima tih osoba, u skladu sa zakonom;
- j) putem službi za upravu rješava zahtjeve u skladu sa zakonom i drugim propisima;
- k) realizuje saradnju jedinica lokalne samouprave sa drugim općinama, gradovima, međunarodnim i drugim organizacijama u skladu sa odlukama i zaključcima vijeća i njegovih radnih tijela;
- l) osigurava saradnju službenika jedinice lokalne samouprave sa ombudsmenima;
- m) podnosi izvještaj vijeću o ostvarivanju politike jedinice lokalne samouprave i svom radu;
- n) obavještava Skupštinu Kantona, odnosno nadležne kantonalne organe o izvršavanju kantonalne politike i kantonalnih zakona i drugih propisa i međunarodnih ugovora, kao i o stanju u odgovarajućoj oblasti kada je njihovo izvršavanje povjereno jedinici lokalne samouprave;
- o) vrši i druge poslove u skladu sa zakonom i statutom“.

Program rada Gradonačelnika za 2025. godinu zasniva se na nekoliko temeljnih principa, među kojima su najvažniji objektivno prikupljanje svih relevantnih činjenica i ocjena njihove valjanosti i istinitosti, te korištenje raspoloživih podataka statističkih mjerenja privrednih, socijalnih i drugih pojava koje imaju ili bi mogle da imaju efekte na položaj i ulogu Grada Bosanska Krupa u ukupnom razvoju grada i Kantona. U tom smislu, tokom izrade ovog Programa obuhvaćeni su svi bitni pokazatelji, osobine i segmenti lokalnog društva kao što su prostorno-teritorijalni i geografski položaj grada i osobine, stepen razvijenosti infrastrukture i njene odlike, te stanovništvo kao najvažniji razvojni faktor, a radi sagledavanja stvarnog stanja i realizacije projekata kojim će se na najbolji mogući načinostvariti funkcije grada kao jedinice lokalne samouprave.

Rad Gradonačelnika i gradskih službi u svojoj konačnici znači i djelovanje u interesu stanovništva grada Bosanska Krupa što podrazumijeva i visok stepen odgovornosti.

Program rada je po svom karakteru planski akt, što znači da će se sve aktivnosti koje budu predmet ovog akta predvidjeti, te da će njihova realizacija zavisiti od objektivnih okolnosti koje budu prisutne u datom momentu.

Obzirom da se radi o planskom aktu, cilj je kvalitetno, precizno i realno planirati, uzimajući u obzir i sve moguće objektivne okolnosti. Pod mogućim objektivnim okolnostima misli se prvenstveno na opće društvene teškoće i izazove sa kojima se Grad Bosanska Krupa uspješno nosi već par godina.

Unatoč tome Grad Bosanska Krupa se ubraja u red uspješnih gradova, maksimalno je razvojno orijentisana i otvorena ka evropskim perspektivama. Ista opredjeljenja određuju i programske aktivnosti Gradonačelnika, kao planski dokument koji ima za cilj podići na još veći nivo razvoja grada u 2025. godini.

Ovaj Program rada se temelji na osnovu planiranog DOB-a, budžeta i aktivnosti gradske administracije kako bi se našim građanima osigurale što kvalitetnije usluge i bolji uslovi života na području cijelog grada.

Većina niže prikazanih programskih aktivnosti je usmjereno ka poboljšanju ukupnog ambijenta za privredni razvoj i normalno djelovanje privrednih i drugih subjekata, izgradnji i rekonstrukciji cestovne infrastrukture, izgradnji i rekonstrukciji vodnih i kanalizacionih

objekata, bolji život građana, te njihovo učešće u donošenju svih odluka za koje su neposredno zainteresovani. Ove aktivnosti su nužno nameću svake godine kao prioritet, jer predstavljaju osnovne potrebe jedne društvene zajednice pored stvaranja uslova za razvoj privrede.

Dosadašnja praksa je pokazala da su se programske aktivnosti u najvećem procentu i realizovale u planiranom periodu, što će biti jedan od osnovnih ciljeva i ovog dokumenta.

II Lokalna uprava

Po Ustavu Federacije BiH ("Službene novine FBiH" broj: 1/94, 13/97, 16/02, 22/02, 52/02, 18/03, 63/03, 9/04, 20/04, 33/04, 71/05, 72/05 i 88/08), općina/grad je definisana kao jedinica lokalne samouprave. Prema Ustavu načelnik je nadležan za provođenje gradske politike i izvršavanje općinskih/gradskih propisa, kao i obavljanje svih dužnosti koje na općinu prenesu kantonalne i federalne vlasti. Zakon o principima lokalne samouprave u Federaciji BiH, Zakona o lokalnoj samoupravi Unsko-sanskog kantona jasno definiše da Grad ima pravo, osim vlastite nadležnosti ustanovljene Ustavom, baviti se i svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu Ustava i zakona. Isti zakon, također definiše da je Grad samostalna u odlučivanju o pitanjima iz vlastitih nadležnosti i da ove nadležnosti ne mogu biti ograničene ili uskraćene od federalnih ili kantonalnih vlasti.

Program obuhvata najvažnije zadatke gradonačelnika i gradskih službi koji su od općeg ili zajedničkog interesa pojedinih kategorija građana i njihovih asocijacija, mjesnih zajednica i lokalnog biznisa na kojima će se gradonačelnik zajedno sa svojim saradnicima, državnim službenicima i namještenici neposredno angažovati.

Aktivnosti Gradonačelnika i Jedininstvenog gradskog organa uprave Grada Bosanska Krupa bit će neophodno usmjereni u sljedećem pravcima:

- nastaviti izradu i provođenje prostorno planske dokumentacije,
- nastavak realizacije projekta uspostave zemljišne knjige, projekat registracije nekretnina,
- nastavak rada na registru nekretnina i sistemskom upravljanju imovinom, a koji se odnosi na: analiza postojećeg stanja imovine, procjena vrijednosti i analiza stanja po prihodima i troškovima po jedinici imovine i analiza svih odluka koje se odnose na upravljanje imovinom, a u cilju rješavanja pitanja jedinica imovine (zemljišta, poslovni prostori, poslovni objekti, stanovi i dr.) koji ne stvaraju prihod odnosno koristiti imovinu kroz realizaciju projekata kojim će se povećati budžetski prihodi, a time i ekonomski razvoj općine,
- nastavak aktivnosti na vektorizaciji georeferensiranih planova
- izrada digitalnog katastarsa komunalnih uređaja,
- CAF projekt,
- projekt adresni registar,
- unaprjeđenje normativnog uređivanja djelatnosti iz nadležnosti Gradonačelnika i gradskih službi,
- usklađivanje rada i funkcionisanja gradskog organa uprave sa Zakonom o državnoj sužbi Unsko-sanskog kantona, što je naš stalan i kontinuiran zadatak,

- sprovođenje sistema elektronskog upravljanja podacima i elektronskog praćenja sprovođenja svih upravnih postupaka, a sve u smislu efikasnijeg rada i smanjenja rokova njihovog izvršava,
- izrada projektnih aplikacija i apliciranje prema višim nivoima vlasti, te međunarodnim organizacijama i donatorima, u cilju osiguranja financijskih sredstava za realizaciju projekata,
- uspostavljanje jedinstvenog sistema informisanja o prostoru grada u svrhu planiranja,
- kontinuirano raditi na poboljšanju u organizaciji i funkcioniranju gradske uprave u skladu sa europskim standardima,
- nastaviti sa unapređenjem već efektivne, efikasne, odgovarajuće i odgovorne gradske uprave prilagođene potrebama građana i poslovnih subjekata,
- nastaviti sa primjenom programa štednje u tijelima uprave i drugim institucijama i tijelima koji se financiraju iz budžeta Grada,
- posebnu pažnju posvetiti pitanju komunalne oblasti za što je pored donesenih Odluka i Programa neophodna dosljedna primjena i pojačan svaki vid nadzora, a posebno putem građevinskog i komunalnog inspektora,
- kroz donošenje raznih odluka osigurati povećanu ekonomsku aktivnost, te zadržavanje stanovništva;
- pojačat će se nadzor nad naplatom naknada i taksu po gradskim/općinskim propisima i kontinuirano ostvarivati kontrola naplate sredstava prometa gradske imovine,
- pojačat će se kontrola rada organa koji imaju nadležnost naplate naknada, izvršit će se ažuriranje uputstava i naredbi koje se odnose na ovu oblast i u skladu sa odlukama osigurati kontinuiran i kvalitetan nadzor u ovoj oblasti,
- nastavak izrade baze podataka geografsko-informacionog sistema (GIS) što će omogućiti kvalitetno povezivanje svih postojećih baza podataka sa prostornim podacima;
- ažuriranje registra zelenih površina,
- ažuriranje registra izdatih urbanističkih saglasnosti, lokacijskih informacija i odobrenja za građenje,
- nastavku održavanja svih javnih, zelenih i rekreativnih površina, kao i kontinuiranom održavanju i uređivanju svih drugih zelenih površina,
- nastaviti rad na poboljšanju usluga javnog sektora na nivou lokalne zajednice u oblasti komunalnih poslova i zaštite okoliša, društvenih djelatnosti, kulture, sporta, medija itd,
- raditi na osiguranju značajnijih financijskih sredstava od viših nivoa vlasti za privođenje kraju aktivnosti u cilju izgradnje nove i revitalizacije postojeće infrastrukture,
- nastaviti koordinaciju sa Uredom BHMACH-a, predlaganje i praćenje projekata deminiranja, tehničkog izviđanja i trajnog obilježavanja rizičnih površina od mina na području grada; prikupljanje podataka o kontaminiranim površinama od mina, obradu podataka i kandidovanje projekata za obilježavanje i deminiranja nadležnim institucijama; koordinaciju i pomoć mjesnim zajednicama, preduzećima i drugim pravnim licima u organizovanju i planiranju zaštite i spašavanja ljudi i materijalnih dobara od prirodnih i drugih nesreća; praćenje pojava klizišta, evidentiranje novih i predlaganje preventivnih mjera za zaštitu i spašavanje ljudi i materijalnih dobara, praćenju stanja priprema za zaštitu i spašavanje od prirodnih i drugih nesreća na području grada i preduzimanje pravilne, stručne, efikasne i blagovremene primjene zakona i drugih propisa i akata; praćenje klimatoloških prilika na području grada (mjerenje temperaturne vrijednosti zraka, praćenje vodostaja svih rijeka, snježnog pokrivača itd;

- i dalje kontinuirano vršiti inspekcijski nadzor (kontrola privremenog zauzimanja i korištenja javne površine, a sve u funkciji povećanja naplate naknade),
- inoviranju socijalnih programa i brige za ugrožene i kategorije u stanju socijalne potrebe, boračku populciju, raseljena lica i izbjeglice;
- kroz brojne projekte na nivou BiH, ali i u okviru prekogranične saradnje, stvaranju energetski efikasnog grada i javnih ustanova i preduzeća, koja će i na tom polju biti u stanju nositi se sa evropskim standardima;
- vođenju aktivnosti na aktivnijem uključivanju građana u odlučivanje;
- analizi stanja poljoprivrede na području grada i sagledavanju mogućnosti daljeg razvoja;
- u oblasti rekonstrukcije, rehabilitacije, sanacije i asfaltiranja puteva nastavak započetih projekata, kao i izgradnji i rekonstrukciji novih putnih pravaca u skladu sa Programom kapitalnih investicija;
- vršiti nadzor nad radom mjesnih zajednica i javnih ustanova,
- nastaviti će se voditi aktivnosti na unaprjeđenju saradnje sa višim nivoima vlasti te drugim institucijama, a sve u cilju boljeg funkcionisanja lokalne samouprave i osposobljavanja službi za njihov efikasniji i potpuniji rad na planu ostvarivanja svih prava i sloboda građana,
- poboljšanju transparentnosti i protoku informacija unutar administracije i prema građanima i poslovnim subjektima,
- podršci lokalnom privrednom razvoju, planiranju, projektovanju i vođenju svih infrastrukturnih i drugih projekata u gradu, unaprjeđenju i osnaživanju saradnje sa poduzetnicima, podršci razvoju poljoprivrede i ruralnih područja,
- i dalje će se raditi na stvaranju što povoljnijeg ambijenta za ulaganja u investicione programe,
- projekt ekonomskog i okolišnog upravljanja – MEG II,
- nastaviti će se raditi na poslovima i projektima koji su započeti u prethodnoj godini, kao i novim projektima u oblastima u kojima je propisana nadležnost grada kao jedinice lokalne samouprave, odnosno u kojima je izražen pravni interes grada,
- nastaviti proces jačanja lokalne zajednice i to naročito kroz efikasan rad mjesnih zajednica i Savjeta mjesnih zajednica, gdje se najbolje mogu uočiti svi problemi koji se tiču građana našeg grada, kao i inicirati njihovo efikasno rješavanje,
- projekt „Studija valorizacije za zaštitu toka rijeke Krušnice“,
- projekt „Izrada studije valorizacije za zaštitu pejzaža rijeke Une“,
- projekt „Via Dinarica“ – Sanacija Mosta Aek,
- projekt za generaciju Z – ILO III nastavak.
- i drugih poslova u skladu sa zakonom.

I u 2025. godini aktivnosti će bit usmjerene na provedbi propisa iz svih oblasti djelokruga rada organa uprave i službi za upravu od kojih prije svega i dalje mislimo na provedbu zakona preko kojih građani najviše rješavaju svoje životne probleme.

Programske aktivnosti, kroz realizaciju Budžeta za 2025. godinu, planskih akata i drugih izvora finansiranja, imat će prvenstveno razvojni karakter, kroz fokusiranje na kapitalne i infrastrukturne projekte, ali će zadržati i dozu socijalnog karaktera. Razvojni koncept jasno predstavlja opredjeljenost ka ulaganjima u kapitalne investicije, unaprjeđenje komunalne infrastrukture i ostvarivanje strateških ciljeva.

I u 2025. godini obezbijedit će se aktivno učešće Grada u postupcima donošenja zakonskih i podzakonskih akata i to na svim nivoima vlasti kroz davanje kvalitetnih sugestija, prijedloga i mišljenja na utvrđene nacрте i prijedloge određenih akata.

Ovi poslovi će se raditi ili samostalno ili u saradnji i koordinaciji sa drugim gradovima/općinama Kantona, Savezom gradova i općina Federacije Bosne i Hercegovine, a sve s ciljem rješavanja ključnih pitanja koja su bitna za funkcioniranje Grada kao jedinice lokalne samouprave, kao i za život i dobrobit svih njenih građana.

Važno je napomenuti da je status grada i definisanje politika lokalnih zajednica još uvijek u potpunosti neriješen. Naime, u svojoj praktičnoj primjeni ustavna kategorija prava na lokalnu samoupravu svodi se vrlo često samo na puku dekoncentraciju javnih poslova od strane viših organa vlasti. Stoga ćemo i ove godine, kao i prethodnih godina, obezbijediti aktivno učešće grada u postupcima donošenja zakonskih i podzakonskih akata na svim nivoima vlasti kroz davanje kvalitetnih sugestija, mišljenja ili prijedloga na utvrđene nacрте ili prijedloge određenih akata.

Kao i do sada u svim situacijama u kojima se ocijeni da je došlo do povrede prava na lokalnu samoupravu, reagovat ćemo i pred nadležnim organima tražiti zaštitu povrijeđenih prava i interesa.

U koordinaciji sa drugim gradovima/općinama USK, intezivnije ćemo raditi na rješavanju određenih ključnih pitanja koja su bitna za funkcionisanje grada kao jedinice lokalne samouprave, kao i za život i dobrobit njenih građana.

I u 2025. godini ćemo maksimalnu pažnju posvetiti budžetskoj disciplini, te transparentnosti rada organa uprave u svim vidovima. Nastavit ćemo stvarati uslove za podizanje finansijske discipline na veći nivo, te iznalaziti i druge mogućnosti koje mogu doprinijeti stabilizaciji finansijskog stanja.

Gradonačelnik će u skladu sa svojim nadležnostima i ovlaštenjima, kao naredbodavac izvršenja budžeta, preduzimati i dalje sve aktivnosti u cilju praćenja, ostvarenja i zakonitog trošenja budžeta, redovno izvještavati Gradsko vijeće, te na zakonom propisan način po unaprijed definisanim pravilima kontrolisati i usmjeravati kako budžetsku potrošnju tako i svih dijelova lokalne uprave. Nastavit će se aktivnosti uspostavljanja sistema kontrole finansijskog poslovanja Grada, te korisnika budžeta Grada.

U skladu sa Programom rada Gradskog vijeća i u saradnji sa službama, aktivnosti će se usmjeriti da pravovremeno i maksimalno efikasno pripremimo predmetne materijale, kako bi se isti u najvećoj mjeri izvršili. Osim planiranih aktivnosti u ovom segmentu, Gradsko vijeće će biti u prilici da razmatra i nove normativne i druge akte za čijom izradom se pojavi potreba, a što u ovom momentu nije moguće planirati.

II Lokalni razvoj i privreda

Osnovni ciljevi i zadaci u ovim oblastima i dalje će biti usmjerene prema poboljšanju ukupnog ambijenta za dalji privredni razvoj i normalno djelovanje privrednih i drugih subjekata i bolji život građana, te njihovo učešće u donošenju svih odluka vlasti za koje su neposredno zainteresovani.

Polazeći od strateškog opredjeljenja razvoja grada Bosanska Krupa vodit će se aktivnosti na sjedećem:

- nastaviti će se započete aktivnosti na definisanju novih i unapređenju postojećih poslovnih zona,
- nastaviti će se raditi na iznalaženju potencijalnih investitora u cilju otvaranja malih i srednjih preduzeća na području grada Bosanska Krupa pri čemu ćemo maksimalno podsticati privrednike našeg grada i njihove poslovne partnere,
- nastaviti postupak i procedure izmjene prostorno-planske dokumentacije, kao i ostale aktivnosti u vezi sa prostornim planiranjem,
- implementaciju infrastrukturnih i drugih projekata u funkciji razvoja novih radnih mjesta,
- nastaviti sa podrškom privrednim subjektima,
- raditi će se na povezivanju privrednika grada sa zainteresovanim poslovnim partnerima u zemlji i inostranstvu, pomagati im i podržavati ih u njihovoj komunikaciji sa višim nivoima vlasti, podržavati zajedničke nastupe na Sajmovima u cilju adekvatne prezentacije privrednih potencijala grada Bosanska Krupa
- uspostave katastra nekretnina (obnova premjera, ažuriranje BPIKK, izrada diobenih planova i izlaganje na javni uvid podataka premjera i katastarskog klasiranja) za katastarske općine Bosanska Krupa 1 i Bosanska Krupa 2,
- nastaviti će se dalje aktivnosti – kontinuitet na uspostavljanu i redovnom organizovanju sastanaka sa privrednicima našeg grada u cilju otklanjanja prepreka za razvoj privrede i novih zapošljavanja, kako bi se stvorile pretpostavke za nesmetan razvoj privrede na području našeg grada,
- razvijanje javno-privatnog partnerstva,
- u saradnji sa mjesnim zajednicama nastaviti će se uspostavljanje novih putnih komunikacija ka obradivim zemljišnim površinama u cilju veće uposlenosti i pokretanja malih biznisa iz oblasti stočarstva i voćarstva i efikasnosti u podsticanju iskorištenja dobivenih sredstava.
- aktivno raditi na programu razvoja turizma i korištenje turističkih potencijala,
- informisati više organe vlasti o rezultatima i teškoćama poslovanja privrednika, kako bi se donijele odgovarajuće mjere i zakoni u oblasti ekonomije i razvojne politike.
- nastaviti će se sa dodjelom poticajnih sredstava za poljoprivredu,
- nastaviti sa organizacijom sajmova,
- nastaviti sa aktivnostima podrške marginaliziranim grupama žena,
- kandidovati prema višim nivoima vlasti i međunarodnim institucijama kapitalne projekte.

III Obrazovanje, sport, kultura, mladi i NVO sektor

➤ Obrazovanje

Ciljevi i zadaci u oblasti obrazovanja biće usmjereni prvenstveno prema djeci i mladima kao osnovnoj ciljnoj grupi.

U ovom najvažnijem segmentu društvene zajednice učešće će se vršiti kroz: podizanje nivoa opremljenosti škola, nastavak aktivnosti na rekonstrukciji i adaptaciji školskih objekata, nastavak aktivnosti na izgradnji, rekonstrukciji i adaptaciji sportskih igrališta uz objekte centralnih i područnih škola, podjelu besplatnih udžbenika za učenike iz

socijalno ugroženih porodica, te održavanje postojećih, podržavanje školskih manifestacija, podržavanje javne i kulturne djelatnosti škola i stimulisanje njihove saradnje sa mjesnim zajednicama i Gradom.

Stipendiranje i stimulisanje obrazovanja učenika, odnosno mladih generacija od kojih se po završetku školovanja očekuju nove ideje i projekti usmjereni ka društvenom razvoju, će se nastaviti i u 2025. godini.

Sufinansiranjem prijevoza učenika koji pohađaju srednju školu za djecu prema određenim kriterijima, te finansijski podržati, a prema iskazanim potrebama i mogućnostima Budžeta, će se također nastaviti.

Grad će u ovoj oblasti nastaviti sa praćenjem rada i aktivnosti u predškolskoj ustanovi, osnovnim i srednjim školama, uz pružanje svih mogućih vidova pomoći u organizaciji rada i drugim vidovima aktivnosti ovih ustanova.

➤ **Sport**

Realizacija osnovnih ciljeva i zadataka u oblasti sporta vršit će se kroz afirmaciju sportskih klubova i udruženja, pojedinaca koji svojim rezultatima doprinose podizanju sportske kulture i promociji grada Bosanska Krupa, kroz masovno bavljenje sportom od značaja za održavanje i unaprjeđenje kulture zdravog načina življenja, organizaciju sportskih manifestacija kojima se promoviše Grad Bosanska Krupa i BiH, podršku takmičenjima za mlade, dok će se opredjeljenje i osnovni ciljevi djelovanja prema mladima vršit kroz intenzivniji pristup mladima, na osnovu njihovih potreba, provođenjem brojnih aktivnosti, a naročito kroz:

- nastavak projekta uređenje okoliša na Velikim adama,
- nastaviti sa podrškom i promovisanjem projekata mladih i omladinskih udruženja s područja grada, a koje se odnose na jačanje kapaciteta mladih i njihove uloge u društvu, realizacija projekta izgradnje sportske dvorane,
- pružanje podrške sportskim kolektivima i masovnom sportu kao veoma značajnoj oblasti društvenog života,
- pružanje podrške sportskim klubovima i razvoju masovnog sporta,
- i dalje raditi na raditi na izgradnji sportske infrastrukture kroz sanaciju i adaptaciju postojećih i izgradnju novih sportskih objekata, dječijih igrališta i terena za male sportove,
- podržavanje sportske rekreacije građana, školskog sporta i sportsko-rekreativnih takmičenja, turnira i manifestacija.

➤ **Kultura**

Ciljevi i aktivnosti u oblasti kulture biće usmjereni u pravcu afirmacije bosanskohercegovačke kulture kroz podršku kulturnom stvaralaštvu, podršku manifestacijama i pojedincima, unaprjeđenju i jačanju saradnje sa relevantnim organizacijama, ali i sufinansiranjem projekata iz oblasti kulture, a sve putem podrške brojnim projektima koji doprinose promociji grada Bosanska Krupa.

Nastavit ćemo sa podržavanjem kulturno-umjetničkih društava, podržavati manifestacije koje se organizuju na prostoru našeg grada u svim mjesnim zajednicama, organizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine, Unsko-sanski kanton i grad Bosanska Krupa, organizovati i druge javne i kulturne manifestacije.

➤ **Mladi i NVO sektor**

Posebna pažnja bit će posvećena napređenju omladinske politike kroz pružanje podrške radu omladinskih udruženja sa područja grada, afirmisanju mladih na području samoorganizacije i većeg angažmana na polju društvenog aktivizma mladih i to:

- Nastavak Projekta “Omladinska banka” - Projekt Omladinske banke BiH koja ima za cilj da poveća učešće mladih u razvoju lokalnih zajednica kroz aktivnu ulogu u procesima donošenja odluka, te pružanje podrške aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa mladih.
- Nastavak aktivnosti na izradi strategije za mlade,
- Nastavak projekta START-UP, kojim podržavamo mlade ljude finansiranjem najboljih start – up biznisa koji su usmjereni ka poticanju mladih ljudi da sami osnivaju preduzeća ili obrt što će doprinijeti lokalnom društvenom razvoju, te ostanku mladih ljudi. Ovaj projekt ima za cilj poboljšanje i jačanje mehanizma podrške omladinskom preduzetništvu u lokalnim zajednicama, otvaranje novih radnih mjesta dodjeljivanjem finansijskih sredstava i pružanjem savjetodavne podrške mladim preduzetnicima pri pokretanju start-up biznisa, te omogućavanje volonterskog angažmana određenom broju mladih u svrhu ličnog usavršavanja.
- I dalje podržavati omladinska udruženja sa sjedištem na području grada Bosanska Krupa; nevladine organizacije, udruženja, fondacije koje rade za mlade; neformalne grupe mladih sa područja grada Bosanska Krupa koje imaju podršku udruženja i fondacija registriranih u Bosni i Hercegovini pri realiziranju projekata na području Bosanske Krupe.

I dalje ćemo raditi na institucionalizaciji omladinske politike kroz sistematsko rješavanje problema sufinansiranja omladinskih projekata iz oblasti kulture, sporta, neformalnog obrazovanja, zdravlja mladih, zapošljavanja i dr. Konstantno će se težiti informisanju mladih o mogućnostima finansiranja i potrebama mladih, sa posebnim naglaskom na ruralne mjesne zajednice i organizacije koje djeluju na tim područjima.

Također ćemo nastaviti:

- podržavati udruženja koja okupljaju mlade,
- podržavati pojedince i afirmativne manifestacije koje okupljaju mlade,
- zajedno sa mladima ću biti organizator sportskih takmičenja, koncerata za mlade i sponzor njihovih aktivnosti (izložbe, revije, omladinska poduzetništva i slično),

- u saradnji sa nadležnim institucijama raditi na prevenciji od upotrebe narkotika i opojnih sredstava, nastaviti sa obezbjeđenjem prostornih uslova za rad udruženja koja imaju neuslovne prostorije ili ih nemaju nikako,
- nastaviti sa aktivnostima unapređenja partnerskih odnosa između lokalne vlasti i civilnog društva,
- organizovati aktivnosti koje će okupljati mlade: druženje kroz čišćenje i uređenje grada, koncertne aktivnost, predstave, turnire, javne radove i slične aktivnosti, nastaviti sa podržavanjem projekata mladih, sportskih klubova, KUD-ova i svih udruženja koja okupljaju mlade,
- podržavati programe nevladinog sektora i humanitarnih organizacija, specifične oblasti, kao što je briga o Romima, podrazumijevat će: pojačanu saradnju sa udruženjima Roma, iniciranje formiranja i drugih udruženja koja okupljaju nacionalne manjine provoditi Program mjera za poticaj zapošljavanja i održavanja više stope zaposlenosti, podsticati umrežavanje omladinskih organizacija na nivou grada, te omladinskih organizacija iz Bosanske Krupe sa drugim regionalnim i međunarodnim institucijama i organizacijama.

U cilju sticanja radnog iskustva i polaganja stručnog ispita nastaviti sa podržavanjem mladih visoko obrazovanih kadrova u obavljanju pripravničkog i volonterskog staža, radi lakšeg zapošljavanja u oblastima za koje se se školovali, kako u organu uprave tako i u javnim ustanovama čiji je osnivač Grad.

IV Civilno društvo

U saradnji sa JU „Centar za socijalni rad“ Bosanska Krupa i Udruženjem penzionera iz Bosanske Krupe, a u cilju pomoći penzionerima, kao i ranijih godina, socijalno ugroženim penzionerima dodjeljivati jednokratne pomoći za nabavku ogrjeva, prehrane i drugih nužnih potreba.

Na lokalnom nivou u saradnji sa Udruženjem penzionera i dalje voditi aktivnosti na brizi o penzionerima kroz zagovaranje njihovih prava.

Nastaviti pomagati rad udruženja koje okuplja ovu populaciju, obezbijediti besplatno pružanje pravnih usmjerenja, te upravno-stručnih savjeta o aktuelnim gradskim temama.

Pored ove kategorije programskim aktivnostima za 2025. godinu obuhvaćeni su i ostali socijalno ugroženi pojedinci koji će se pomagati kroz jednokratne pomoći u okviru planiranih sredstava.

Boračka populacija

Ciljevi i aktivnosti u ovoj oblasti biće usmjerene: na pružanju pomoći u realizaciji programa boračkih organizacija, rješavanju stambenog zbrinjavanja ove populacije, i dalje omogućavati korištenje gradskih prostorija bez naknade za nesmetan rad i funkcionisanje udruženja, nastaviti sa aktivnom primjenom Zakona o dopunskim pravima branilaca i članova njihovih porodica, organizovati aktivnosti koje će okupljati ovu populaciju, nastojat će se obezbijediti još veća podrška i pomoć boračkim kategorijama, pomoć u postupku prikupljanja dokumentacije za prijavu na javne pozive, kao i za ostvarivanje drugih prava u upravnom postupku.

V Kapitalni projekti i infrastruktura

U 2025. godini planiraju se slijedeće aktivnosti:

1. Sanacija krova "Kulturno sportskog centra" Bosanska Krupa,
2. Sanacija i rehabilitacija glavnog i pomoćnog stadiona na SRC Ade,
3. projekt fekalna kanalizacija u Bosanskoj Otoci,
4. Uređenje vodotoka Baštra i Svetinja,
5. vanjsko uređenje objekta Doma kulture Bosanska Krupa,
6. Sanacija i uređenje Ulice 511.slavne i Trg Alije Izetbegovića,
7. Uređenje javnih površina u centru Bosanska Otoka,
8. Lokalni put Zalin,
9. Sanacija objekata na javnim površinama (stepenice, ograde, pločnici, staze, stubovi javne rasvjete i sl.),
10. Rekonstrukcija dijela puta Tromeđa – Mejtaf,
11. Rekonstrukcija dijela puta Konjodor – Tromeđa,
12. Putevi iz kantona - Mustelji Šabići,
13. Putevi iz kantona - Crnkići – Ramići,
14. Putevi iz kantona - Put Zalin Dubovik,
15. Putevi iz kantona - Put Perna,
16. Sanacija i asfaltiranje lokalnog puta Ivanjska,
17. Lokalni put Kajtezi, Bosanska Otoka,
18. Lokalni put Krušnička,
19. Lokalni put Menići Trkačice,
20. Lokalni put Kovačevac, Ljusina,
21. Lokalni put Gornja Ljusina,
22. Lokalni put Kišmeti,
23. Ulica Radnička Otoka-odvojak lijevo,
24. Lokalni put Bečkani, Pištaline,
25. Lokalni put Begići, Jezerski,
26. Lokalni put Tromeđa Gerdijani,
27. Lokalni put Zalin-Dubovik,
28. Ulica Unska,
29. Ulica Tarla,
30. Lokalni put Gornji zalug,
31. Lokalni put Zalug-odvojak lijevo,
32. Ulica 101.muslimanska,
33. Lokalni put Johova dolina,
34. Lokalni put Svetinja,
35. Lokalni put Rudine,
36. Lokalni put Donji Ramići,
37. Ulica Prvomajska odvojak lijevo,
38. Lokalni put Čojluk,
39. Lokalni put Prohodac,
40. Lokalni put Kovačevići,
41. Zamjena postojeće sa led rasvjetom I faza,
42. Zamjena postojeće sa led rasvjetom II faza,
43. Izgradnja nove javne rasvjete,

Osim navedenog u 2025. godini aktivnosti će biti usmjerene na:

1. uređenje zelenih površina i opremanja mjesta za rekreaciju,
2. zaštite od površinskih i podzemnih voda,
3. rehabilitacija, sanacija, rekonstrukcija i asfaltiranje lokalnih i nekategorisanih puteva,
4. nepredviđene i hitne intervencije na putevima i rad stroja,
5. nabavka i postavljenje parkovskih klupa i korpi,
6. saobraćajna signalizacija,
7. sanacija udarnih rupa,
8. Horizontalna i vertikalna signalizacija
9. dekorisanje grada,
10. održavanja javne rasvjete, javnih površina, pješačkih mostova
11. uklanjanja „divljih“deponija,
12. izrada prostorno planske dokumentacije,
13. projekt Izrada adresnog registra, čiji je cilj stvaranje još efikasnije i transparentnije uprave koja će omogućiti dobar i uspješan rad ne samo Službe već grada u cjelini kao i svih subjekata na njenoj teritoriji,
14. izrada prostorno planske dokumentacije,
15. premjer i izlaganje na javni uvid podatak premjera za K.O. Bosanska Krupa 1 i 2,
16. nastavak MEG II projekta,
17. projekt „Studija valorizacije za zaštitu toka rijeke Krušnice“,
18. projekt „Izrada studije valorizacije za zaštitu pejzaža rijeke Une“,
19. projekt “Via Dinarica” – Sanacija Mosta Aek,
20. projekt za generaciju Z – ILO III nastavak.
21. Izrada projekta dogradnje "Kulturno sportskog centra" Bosanska Krupa.

Ovim programom želim izraziti apsolutno opredjeljenje izvršne vlasti za ubrzanim razvojem grada Bosanska Krupa, te nastavku svih projekata od interesa za lokalnu zajednicu i u svakom pogledu nastavak do sada uspješno realizovanih stavki predviđenih budžetom Grada.

VI Ostale aktivnosti

U skladu sa Odlukom o utvrđivanju značajnih datuma:

- organizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine, Unsko-sanski kanton i grad Bosanska Krupa,
- u skladu s finansijskim mogućnostima pomagati manifestacije koje se organizuju na prostoru našeg grada u svim mjesnim zajednicama,
- organizovati i druge javne i kulturne manifestacije.

Nastaviti saradnju sa općinama i gradovima u okruženju, te putem kolegija općinskih načelnika/gradonačelnika i Saveza općina i gradova Federacije Bosne i Hercegovine, djelovati na poboljšanju uslova u lokalnim zajednicama.

Poboljšanje kvaliteta i unapređenje javnosti rada gradskih organa. Održavanje korektnih odnosa sa vjerskim zajednicama, što se u proteklim godinama ogledalo kroz realizaciju brojnih zajedničkih projekata.

Osim navedenih aktivnosti i koordinacije rukovođenja gradskim službama, gradonačelnik će se neposredno angažovati i na rješavanju drugih pitanja iz nadležnosti lokalne zajednice i od značaja za građane, privredne i druge subjekte za razvoj lokalne zajednice u cjelini. Nastavit ćemo usko saradivati sa višim nivoima vlasti, međunarodnim organizacijama, nevladinim sektorom, drugim općinama i gradovima u Bosni i Hercegovini i sl. Takođe, gradonačelnik će aktivno djelovati na poboljšanju i kvalitetnijem pružanju usluga u javnom sektoru (javne ustanove i javna preduzeća).

VII Zaključak

Ovim programom se utvrđuje i preduzimanje svih mogućih aktivnosti u cilju ostvarivanja maksimalno korektno saradnje sa Gradskim vijećem, političkim partijama i u tom smislu transparentan rad i puna saradnja su osnov za potpunu implementaciju predviđenih zadataka; aktivno učešće u radu Saveza gradova i općina Federacije Bosne i Hercegovine, te nastavak saradnje sa drugim općinama kako u zemlji tako i u inostranstvu, te traženje veza parnterstva i bratimljenja.

Osnovni ciljevi ovog Programa su postavljeni realno, pa su realna očekivanja da će se i realizovati uz angažovanje svih resursa, unutrašnjih i vanjskih. Prije svega, nastavit će se raditi na poslovima i projektima koji su započeti u prethodnoj godini i otpočeti projekte planirane budžetom. U cilju realizacije projekta kojima ćemo unaprijediti kvalitet života građana aplicirat ćemo za projekte sa međunarodnim institucijama, kao i višim nivoima vlasti.

Naravno i dalje će se djelovati na stvaranju što povoljnijeg ambijenta za ulaganja u investicione programe, i to kroz obezbjeđivanje bitnih pretpostavki za programe. U cilju privlačenja investitora u planu nam je izrada registra zemljišta poslovnih zona u kojem će biti prezentirane lokacije za građenje sa svim potrebnim pokazateljima, čime će se stvoriti pretpostavke za poboljšanje komunikacije sa budućim investitorima, što bi u konačnici dovelo do povećanja broja novootvorenih radnih mjesta.

Ovaj Program rada predstavlja osnovu koja se može proširiti u slučaju potrebe ili određenih novih okolnosti. To znači da je predloženi Program rada otvoren i za druga pitanja i inicijative koje se budu nametale svakodnevnom praksom i potrebama za njihovim razmatranjem, razmatrat će se sva pitanja bitna za poboljšanje uslova života naših građana.

Broj:01-04-521/25
Bosanska Krupa, 30.1.2025.godine

GRADONAČELNIK
Armin Halitović